

总目

上册

绘图 琴江八境 序 人名 凡例 目录

卷一 輿地志 卷二 田賦志 卷三 經制志

卷四 職官志 卷五 選舉志

下冊

卷六 人物志 卷七 紀事志 卷八 藝文志

下冊分目錄

卷六

物志

..... 三〇五

鄉賢..... 三〇五

忠臣..... 三二〇

孝子..... 三二二

友恭..... 三二四

文儒..... 三三四

儒行..... 三三八

武略..... 三四八

義士..... 三五二

隱逸..... 三七一

仙釋..... 三七二

卷七

紀事志

..... 四八七

武事..... 四八七

祥異..... 五〇〇

古迹..... 五〇四

軼說..... 五〇五

顯壽..... 三七三

方技..... 三七九

寓賢..... 三八〇

列女..... 三八一

類傳..... 四四六

旌善..... 四五九

石城县志卷六

人物志

泾县朱一慊纂辑

乡贤 忠臣 孝子 友恭 文儒 儒行 武略 义士 隐逸 仙释 颐寿 方技 寓贤 烈女
类传 旌善

大史公曰富贵而名磨灭不可胜纪惟倜傥非常之人称焉顾人必倜傥非常而后称是犹饮食必耽峰熊白衣服必纨绮纤纤布帛菽粟皆可废已岂通论哉石邑提封百里乡贤忠臣孝子彪炳一时尚已其以文行著从武士显见义必为守贞不二之俦虽萍踪流寓犹必表其芳徽矧梓里闻人哉至于乐泉石遗荣名振衣白云岬依金粟亦为古今所称道余若百年人瑞固以见

圣朝仁寿所征一技之长亦以示小善必录因附载焉作人物志

乡贤

宋

陈晋公恕 宋太宗太平兴国三年戊寅第进士太宗淳化二年辛卯四月参知政事癸巳闰十月帝罢盐铁户部

度支三使分天下郡县为十道以恕为总计使魏羽为左计使董俨为右计使中分十道以隶焉而各道则署判官以领其事凡涉计度者三使通议之恕言官司务建政令互出难以经久帝不听后果不便乃罢之以三司两京十道归三部各置使甲午九月以恕为盐铁使时帝留意钱谷恕有心计厘去宿弊帝深器之亲题柱曰真盐铁陈恕恕每便殿奏事帝或未察形之谏让恕蹶跽退至殿壁俟帝意稍解复进慤执前论终不易帝亦多从之及真宗即位命条具中外钱谷以闻恕久不进屡诏趣之恕对曰陛下富于春秋若知府库充实恐生侈心是以不敢进也帝嘉之恕久领三司咸平六年癸卯六月以疾固求馆谷之职帝曰卿求一人可代者听卿去耳恕荐寇准及准至三司简寻恕前后改革兴立之事类以为册及其所出榜别用新板诏至恕第请判押恕亦不让一押之自是计使无不循其旧贯恕精于吏理深刻少恩人不敢干以私掌利柄十余年强力干事胥吏畏服恕子五孙二皆显贵

郭志祠祀

按辛酉郡志因宋史载陈恕籍南昌遂疑恕非本邑人且以为无甚确据诎知恕之在石虽无后裔足征而可考信者如宏治辛亥志载赞善陈羽庆系谱云恕曾大父葬石城迎恩石下生三子长曰嵩次曰禅幼曰胜嵩即恕大父嵩子光嗣实生恕后徙居南昌郭志载县西二里少师祠祀陈恕宋乾道四年戊子邑人徐岳等重修城内进士坊少师坊俱为陈恕立其他散见诸说者又如夷坚志载石城永福寺对面有邱陇高且十丈相传为陈恭公祖墓鱼鳞册载田名相公祖距迎恩石五里因恕曾祖

郭志误载恕祖

葬得名洪武中邑令邵子镜自记

重修陈少师祠有曰落成司训公遇

即杨士奇

款予及贰幕诸君于其间酒酣拈真盐铁三字分赋凡此皆实迹

确凿非等无稽夫俎豆则有公私二祠表宅里则有枋楔二座墓隧则有荒垆数邱明乎陈恕者籍则南昌人固本邑政不妨各载其志者也矧夷坚志为洪迈所作迈去恕非遥又同为豫章人乾道中守赣后守楚时与陈敏同官敏死为作墓志恕属敏里先达其华贯之是否迈未有恕然不相讯者使恕非邑人恭公恕长子石城有陈恭公祖墓诒迈当不漫入笔端也

旧志订郭志辨疑

温

革

字廷斌柏中里堂下人宝元中诣阙上书愿捐家资尽市监书以惠后学既得请携书归建楼贮之辟义

馆以来远近之愿学者仍储廩以给口食经始之日获五铢钱五万于地中遂以青钱名其馆祀赣郡濂溪书院

正学祠

江西通志并洋文儒祠祀

温

勋

字成劳石上里人由进士官山东副使文行并著人目为温夫子

郭志祠祀

陈

敏

字元功天资雄杰历树武功生平以忠孝自任性不嗜杀所获贼止诛首恶好贤礼士抚军恤民皆乐为

之用公余手不释卷尝慕范文正公贵能施贫活族俸禄之余辄以济人凡有丧不能举婚嫁不能毕者周之有半面识赴渴者量给之交游中有杰才者举而官之宋孝宗嘉其忠诚眷顾殊渥于重九日召宴赐敏诗末句云茱萸插鬓知人少谈笑须卿一解颐比死无一语及家事但曰死不足惜所恨者謬膺宠眷君恩未报也

郭志祠祀

陈

琚

详忠臣祠祀

陈

琮

详忠臣祠祀

元

刘元杰

详武略祠祀
并祀义士祠

明

胡庄

字子敬正统间以贡授潯州推官威信素著大藤蛮夺去巡检印庄往抚諭印即送还参军范某被诬力

为辩释范怀金谢却之乞归人感其德祠祀之

通志祠祀并
祀义士祠

温卓

字时仰号横溪以选贡授四川马湖府推官历署州县篆及奉委采木并查盘各府不受一钱至凿险路

以便往来筑石渠以资灌溉人尤德之归田后囊餧不给尝为流寇掠去问知姓名曰清官也释之

通志
祠祀

温伯瑞

详孝子祠祀
并祀孝子祠

熊梦良

详孝子祠祀
并祀孝子祠

熊懋官

详文儒
祠祀

黄质

字月山以太学生授南直棣泰州州同时遭岁凶悉以月俸济民又参荒政之策民得全活海倭蹂躏广

陵中丞唐顺之檄质督战质躬冒矢石率水师拒战致疾归里年八十余

王志
祠祀

陈师仲

字天常大琴人弱冠通经术万历四年以选贡授武义知县县多豪家师仲至访东莱吕成公墓墓据于

豪而不得师仲斋戒宿山越二日雷震豪墓出吕碑师仲愆豪修吕墓生员王世名手刃父仇而归死师仲曰孝

子也不可令对狱卒别馆之上其事大僚嘉其知风教之道事详明纪民有徐顺者父死不知其仇为宿隍庙神示以荷叶盛缘及鞠书荷缘二字于案门吏惊愕因严诘具以实吐曰杀人者妻父何頼也遂伏其事在任五年多善政雪死犯何达之冤却盐商徐某千金之献归后民举祀名宦祠

陈即登 字太摩为阳江令时黎裔自相小斗大吏欲乘机伐之以媒功利即登坚不奉檄大吏怒由是左迁广西

按察司照磨比至求文者尸外履满所得俸平公与弟归田放怀诗酒

郭志祠祀

周 钊 号楼峰睦族和邻量能容物为教官二十九年归以禽鱼诗酒自娱娱客襟期豁达逸品也上宪奖其善

寿九十有二

郭志祠祀

温春魁

洋旌善祠祀

尹 诏

洋忠臣祠祀并祀忠义祠

国朝

邓斗光

洋通志祠祀并祀孝子祠

黄日曦

字畅谷北关人顺治选贡读书尚气节常为一邑倚赖与同郡魏际瑞兄弟易学实为文字交己丑冬张

自盛寇城焚掠曦徒跣七日夜沿山径走赣乞师中途为贼所获以计脱身亲乡导官兵至贼遁城乃全修学官

首捐金二百两乐善好义拯人于厄然不自见其德

通志祠祀并祀义士祠

黄 镨 字式陶北关人父日晖中年艰于举子先尝以兄子镡为嗣已而生子铎旋又生镨日晖之歿也二子俱

幼母曾抚而成之家庭之间孝友笃爱而镨之待镡尤厚分已产与之均镡无子为买妾终不能育乃以已幼子嗣之所居山庄林岚可人兄铎素好山时时迎致曲尽怡怡之乐为诸生有文名岁荐家居二十年里人推重

旧志
祠祀

李 乔 字千值丹溪人岁贡任安义训导学行纯粹课士有声当事请主教鹿洞讲论一乘朱子遗规以亲老告

归终养后补任弋阳训导历署教谕事学者胥化

祠祀

按邑乡贤之祀如宋温革陈敏载在史册尚已其余丰标卓卓不愧俎豆其中第有逸而未祀者旧志所拟特祀敏父陈皓身率义兵擒斩三李增筑城垣奠安里社实首其事乃历今几近百年而前议犹未举行岂非报

功之缺乎

王志

忠臣

宋

陈 琚 字奉先敏之曾孙倜傥有英概仕至襄阳帅府法简威淳癸酉春吕文焕以襄阳降元琚争之弗得阿术

兵入城琚率子学文妻刘安人偕死焉

郭志祀乡贤

陈 琚 字昭先琚之弟由里选贡入成均授怀仁县令振废弛拊疮痍当德祐己亥春元兵压安庆路守者风靡

怀仁城陷琚矢不貳率妻死之

郭志祀乡贤

巫双瑞 字祥卿号云岩迎恩坊人登宋淳祐庚戌方逢辰榜尚理宗公主内官监院驸马光禄上卿统理诸军都督因病敕赐归里当就迎恩坊小河背内官禅院夫妇奉佛报恩后宋祚天倾双瑞痛仿望阙长号投缢自尽大元追籍遗裔易巫而黄至今郭北黄氏即其苗裔也

明

尹 诏 字兰渚大畲人崇祯乙亥拔贡廷试第一授推官初除衡州寻改永州有贤明声擢兵部车驾司主事时

秦寇猖獗诏陈言忤时相遭归甲申之变不食卒

通志祀乡贤

廖应兆 字太初号圣符丰上里小松人素履朴质率其宗支力务勤俭因是族无贫人多子衿由万历癸卯乡荐判南直太平府历署广德诸州邑复司漕造舟皆有贤能声升辽州知州亲老乞终养归善事继母所得宦囊与异母弟均之明末避寇奔盱李自成陷燕京应兆闻知悲恸致病卒邑令董应普撰碑宁都魏书有传

郭志

孝子

宋

陈学文 襄阳帅府法简陈琚子精骑射元阿术薄城学文率家丁昼夜督守吕文焕以城降学文义激趋刃文焕

人报父母偕亡弃刃坠城死

采宋史

熊麻 进贤坊人嘉靖四十年寇乱父理为贼执麻奔入贼营愿以身代父子皆见杀仆恩就贼丐二主尸贼义

许之负尸归葬

郭志祠祀

黄用见 居父母丧庐墓三年嘉靖乙酉旌表建孝子坊刻文于墓前在长上里睦富马料坑

温伯瑞 字南峰石田人母蚤歿父被仇诬坐大辟瑞年九岁日夜哀号有客闻而心伤之语父可出之路因随客

入京同关万里奏父冤状既而得白瑞宁家年十九矣父出狱后孝养不离左右尤好购名书喜吟咏以娱亲不

愿仕进邑大夫廉其孝行宾礼之卒年九十二

旧志祀乡贤孝子二祠

陈纲 字月塘大琴人有至性执父母丧哀毁如古礼受先人遗业推肥居瘠兄弟友爱数十年如一日尹醴陵

多惠政士民德之刘世瑞为撰遗爱碑

祠祀

陈绩 字咸泉月塘之弟以孝恭著父歿匍匐苦次墨瘠几不能起既葬庐墓侧旦夕哭奠母丧亦如之兄弟不

忍分异金产相让尤工于诗

祠祀

赖彝 字次舟秋溪人以才名称序贡当廷对彝年甫三十以母病不往母终哀毁骨立己而檄训龙泉雅意作

人士风为之一振卒于任

祠祀 赖部志见 宗传

赖一振 秋溪人嘉谋之子事母以孝闻母宦家女晓大义著六训诲子五人振尤好义赈人急顺治壬辰寇由

邻境滋害振倾家募人保聚井里寿九十六

祠祀 赖部志见 杂传

温健 字天行耸冈人明季诸生好学攻苦避寇荒村诵所习春秋不辍居无几尝夜篝灯于水缶手执卷琅琅

同客者以聒耳诋之不恤也事寡母极色养之诚母过八十始歿健亦薨矣水浆不入口者数日庐墓三年兄弟六人友于相笃日报劬曰藻蒞者皆为邑僧入僧传中健尤与孚契先世尝构宝仙峰为邑名利刹隳健葺而新

之其力学实践究不佞佛以儒为宗里中式其德行寿八十余终

旧志 祠祀

陈铭 字观生邑廩生长乐人顺治己丑城破母被执将刃铭愿身代贼悯其孝俱活之

旧志

许泰澗 许坊人母卒庐墓侧蓬头跣足啜粥茹蔬每晨起必手执巾栉跪进盥匱然后上食哭奠庐中蓄鸡犬各

一亦皆效澗啼号墓上服闋禫祭礼毕犹依庐不忍去越数月族戚力劝始归乾隆二年

旌表

王 志 祠 祀

赖吉諒 字乃贞秋溪人父歿遗腹生幼时即知孝养有蔬果先奉母然后自食扫父墓哀恸迫切见者涕下祖年

七十余患病数载不离床第凡糞秽衣褥必亲洗盥及歿代父寝苦枕块三年不薤发露齿事祖母以色养得其

欢心族党无间言未几积劳成疾临终时囑妇曰吾病不起不能终事吾母汝其善体吾志言毕而卒乾隆九年

旌表 王志
祠祀

温秀逵 字桂茂石田人两举乡宾幼笃至性以菽水承二人欢母病垂危百计罔愈虔祷灶神赐梦仙方立瘳亲殁号泣三载哀毁骨立后以力苦成家遵父遗命为族构公私祖祠三大寝糜金数千各处捐田租二百余石功竣日曰此先人志也薨年孝思弥笃乾隆十年

旌表 王志
祠祀

赖君衍 字昌期小弼人顺治四年吴万乾擄掠其乡人皆逃窜昌期依父在后被获将受害昌期哀告曰有银若干求生我父子贼许之持银六十两贼不满意允以生汝一人昌期知贼戾不能俱脱与忍父死宁忍身死乃诺以释父去我为质再办以赎因私谓父曰速去儿自有脱身计无为虑去数日贼俟不至怒其谎遂杀之时年二十九邑侯刘世禎以孝烈可嘉表其庐 王志

赖文印 字佩之长溪人监生顺治丁亥广东贼廖新明等至村以风怨大肆擄掠赖姓被害者十之七八文印父曲明遭执印哭奔贼所愿倾资赎父贼不允复号痛愿以身代贼感其义释父杀文印族哀之为招魂葬并继以嗣 王志

黄先庚 迎恩坊人顺治己丑城破母周氏陷贼先庚挺身闯入寇营母子俱死 王志

陈天赛 字清宇石上里上景人幼失怙事母尽菽水欢顺治己丑邑城被寇母陷于贼赛贫无资赎母诣贼营再

三愿以身代贼怒杀之既而悔曰此孝子也释其母以归母死后二弟招天赛魂葬于母之墓侧

王志

陈嘉谋 字荅臣邑廩生大琴人事亲至孝父性畏暑染热疾者屡筑室山阴颐养颜曰瞻怙读书数奇两荐棘闈

不偶常以不得荣亲为忧顺治己丑父为寇执奔赴乞代贼怒将刃引颈受戮贼义之父子俱得释母李氏柩在堂火起率子弟号救身受重伤发肤灰裂葬毕庐墓三年先是母在日一孤侄为贼执母日夕悲啼冒险走千里重资赎回更助祠祀田租二百余石当事奖其孝友

王志

熊骥德 城内人顺治己丑张寇屠掠与父庠生尚统俱被寇执德年十五叩头流血愿以身代不许戮尚统贼散逃归阅十二年庚子陟遇贼入城德缚贼讼于邑令郭鞠询贼状骥德以贼胁红痣可证验实杖贼三十骥德不必服随击杀于南关外诣县愿伏法县义而释之

王志

熊有广 人呼为广古上柏昌人居城内东北回家赤贫捕鱼为业能雕镂小木为诸法相事老母手自炊爨每食谨敬亲奉母固病疯狂喜怒不测有广受挝颜色愈和悦常以母故取鱼不敢越数里外母思饮食有广即心动奔回事闻邑令王锡九奖其孝年七十余语及母必流涕以贫不能娶终

祀公义祠

张国魁 字兆文父立奋五旬外疯病拘挛痛苦卧床三十余载魁抚摩色笑伺饮食时及便溺不懈一日父命往高田友人留之宿以父病辞固留魁泪下若孩提状父寿八十余卒葬后朝夕诣坟拜哭群鸦环集悲鸣人以

为孝感所致

王志

赖上进 乌石下人乾隆十九年

旌表祠

邓国望 字慕亭例贡生石田人性纯孝父病盲以舌舐其膜父死庐墓侧黎明跪哭墓前乃归省母如是者三载

母死庐墓如初每夜半起烹汤哀号供奉则有群鸦相鸣噪人以为感及异类云乾隆四十一年

旌表祠

赖克信 字友孚例贡生秋溪人赋性纯孝谊笃天伦乾隆四十四年

旌表祠

姜大傅 字乐旋监生职授州同笱溪人髫年父死哀感族邻大傅庶出孝奉顺承嫡母为之感动生母目盲日夕

祷天舐以舌目复明母死日夜守坟哭时猛虎蹂躏大傅独无恙盖出以至性虎以驯伏云乾隆四十八年题请

旌表
订旧志
祠祀

赖昌淮 字方隅监生秋溪人言谅长子幼笃天性年十一父丧粥不入口者数日祖母刘恻甚维始强食长继父

志克尽孝养数十年无怠容祖母死苦块墨瘠者三年母黄哭泣伤目人告以闽省徐某善治维冒霜雪千里寻

医果得效维上事两世守贞之母下抚昌纲昌统两弟艰辛万状纲后列成均统天无嗣即嗣以己子以慰母心

人称其善养志云乾隆五十九年奉题

旌表
订旧志
祠祀

孝行 附录

黄廷诰 字君耀北关人父避寇受雨湿得暴疾廷诰日夕侍月余无懈容母病盲医治罔效祷于神梦神告曰欲

复汝母明疗以汝股肉遂于密室割股和药进数月果复明举家无知者妻觉偶泄之众视创痕乃大惊邑令尚

承业以孝感动天匾奖之

王志

温元亮 堂下人邑增生遭寇警家荡析负老父遁深山值饥疫父病数月不愈父适思肉乃告天地割左股调和

以进父病旋愈邑令王锡九奖以纯孝格天之额

王志

温超后 石田人家贫性至孝事继母得欢心母病百计求适口乞屠贖肉不与乃剮股进之愈终身色养弗衰邑

令匾以孝著琴江

王志

董赛豹 南关人业小贩母病笃割股肉疗之后创病大作邻人廉知欲为呈报赛豹力辞乃寝竟以是卒

王志

杨太浩 郭北人其母与弟被寇擄去大浩奔号寇营计脱其母与弟曰愿备金赎而自留为质大浩家贫乏母与

弟归无所措赎金不至引颈受刃里人为之感泣

旧志

许廷杏 字倚云许坊人孝子秦澜之子父病膈噎廷杏每当饮饌辄涕泣不能下咽人或劝之廷杏曰触物心伤

曷能禁也父母卒皆庐墓三年终制乃归哀毁成疾卒人谓秦澜有子

旧志

熊宗俊 字智千乡宾上柏昌人年十四读书堂下村一日归父督其速往馆俊觉父神色不快留侍奉是夜父骤

病几危俊焚香祷天父苏能言逾月而死人以为仁孝先知后事母数十年晨昏不间父喜施与俊体先人遗志
赡荒施棺建亭造桥解囊勿吝

旧志

赖世典

字经明秋溪松山下人孝由性生年四岁邻里所遗饼果即能笑奉父母稍长定省不间晨昏一日家被

火父卧未起世典从火焰中救父出父得活邑侯万以仁孝格天奖其宅遵父命拨田租为后学膏火至今书香
继美人称孝道之报

旧志

熊燕德

字吕云城内进贤坊人孺慕性成家贫每感古人祭丰不如养薄语凡父母所嗜物悉竭力奉进父有疯

疾一发恒数十日不愈燕德日夕侍床前抚摩不懈亲歿后逢暴风疾雨必亲至墓前告慰人称其事死如事生

云待兄弟亦同怀关切受敬一堂至老勿衰

旧志

赖世池

字砥悬石中里下罗围人父性严有疯疾池善色养日夕抚摩不倦母痰疾池口味咸淡以告医者二亲

死哀毁骨立后逢忌日辄哭不能食行年七十如初合邑赠匾曰孝深孺慕

旧志

陈国春

字有梅石中里陈坊人事亲恒得欢心幼失恃依父不离左右一日随父过桥父失足坠国春即跃入水

紧执父手流近大河值水暴涨回流泊岸父子俱遇救得生人以为孝感云

旧志

熊宗愿

字谨伯监生柏中里上柏昌人曲承亲志父病垂危焚香跪天愿以身代读书宁化夜半心动星夜遄归

母果骤病沉重寻医精神得愈

旧志

黄袍 字崇儒庠生郭北迎恩坊人赋性纯笃事亲极孝父馆福地袍从学父病袍终日焚香愿以身代病愈诸

同学无不感叹母病数载不离床褥袍杜门不出居家舌耕清苦承欢数十年如一日

志旧

赖吉升 字苍储例贡生秋溪人事亲孝养母先亡哀哭几不欲生父有痰病医者究其咸淡吉升必亲尝以告事

叔如事亲晨昏叩起居维谨又体父志为同堂弟完娶以续宗桃孝行可风族邻置匾赠之

志旧

温孝廉 字以安监生湖口人事父母有至性先意承志务得欢心亲疾则屏酒绝荤忧见容色母歿哀痛迫切一

日间须发尽白

订旧志

王继管 字祇先乡宾唐台人事亲服劳奉养无懈志父死墓哭三年母病足出入起居皆继管扶持又病目延医

不效继管焚香祷天以舌舐之母目渐明经营家计不私己有悉让兄弟兄弟亦俱感服

志旧

廖开泰 字嗣武监生启运子母跌足痛哭泰亦号哭医治抚摩数月得愈父患背痈脓不干手不能拭泰以舌舐

之及父死哀痛真切不数月成病亦死人以真孝称之

志旧

温崇儒 字上珍耸冈人性纯孝事所后父母无间所生所后父患目疾药医不效每夜焚香跪祷一夕大雪崇儒

在庭檐久跪父觉之恐感寒疾呵止之则默相祷祝乡里感叹事母亦能得欢心

志旧

龚懋敬 字为臣陈坊人事父母能尽生死葬之道邑侯余匾赠之

志旧

黄金嫩 字翠先北关人幼孤事母年逾五十犹怡颜承欢如孺子葬母过河山水暴涨冲棺覆水中众奔逃金嫩

赴水抱棺号哭须臾水退人枢得全长江倒石下为闽汀通衢父尝欲于悬崖处开路金嫩承父意疏凿十余丈横阨丈余费金数百行人称便人谓其善继志

旧志

温邦瑞 字良英柏中里雅儒堂人年十三丧父哀痛不食母谕之日尔如此复贻吾忧乃遵命进食事母甚孝定省不间晨昏母偶有恙即衣不解带必愈然后已乐施与不惜解推乡里称美

旧志

赖朝阳 字孟贤庠生秋溪人母病衣不解者逾月后事继母亦如之抚异母弟友爱无间父遭仇诬朝阳沥血陈白当事感其诚遂得释父患疯疾常摩搔达昼夜父卒寝苦中湿气复遭继母丧哀瘠遂卒平日勤襄祠事修旁支无祀坟墓乡族义之匾赠曰孝行性成

旧志

陈朝仁 字有三坝口祠堂人幼失怙善事母母歿庐墓三年日夕哀号祖祠祭产经营扩充得行春秋礼亦其孝思所致

旧志

赖德琨 石中里广荫塘人母沾气病六年朝夕不离左右父患痢亲涤污秽奉侍汤药弗懈弟外贸母病思弟琨即走千余里覓弟归居丧三年绝荤酒里邻以赖孝子称之

旧志

赖德懋 石中里蟠龙岗人家贫事亲菽水承欢父客永丰病足莫归懋闻星往负父回以汗力所获医治得愈乡族感动赠以孝行感人

旧志

陈国鸾 字凤侣乡宾陈坊人父早亡兄弟五人和藹一堂母年八十国鸾瞻依不离左右母偶有疾焚香跪天愿